



KABINET PREDSJEDNIKA I POTPREDSJEDNIKA

Sarajevo, 24.09.2019. godine

Broj: 01-4-02-3-1376-2/19

N/r direktora

PREDMET: Poziv bh. kompanijama za učešće na 23. Međunarodnom poslovnom forumu (IBF) i poslovnim susretima

Poštovani,

Obaviještavamo Vas da Udruženje nezavisnih industrijalaca i preduzetnika Turske (MUSIAD) u saradnji sa Vanjskotrgovinskom/Spoljnotrgovinskom komorom Bosne i Hercegovine organizuje 23. Međunarodni poslovni forum (IBF) koji će se održati 17. i 18. oktobra. 2019. godine, u Hotelu Hills, Butmirska Cesta 18., Sarajevo.

Međunarodni poslovni forum (IBF) je međunarodna platforma godišnjih kongresa i zajedničkih komercijalnih aktivnosti, gdje se okupljaju 42 poslovna udruženja iz gotovo 25 zemalja u svrhu iznalaženja rješenja za razvijanje ekonomskih veza, održavanje saradnje, jačavanje komunikacija i ubrzavanje društvenog ekonomskog razvoja između zemalja.

Cilj Međunarodnog poslovnog foruma (IBF-a) je prije svega usmjeriti i osnažiti komercijalne odnose u skladu s nacionalnim principima i interesima, podržati saradnju među članicama i među zemljama članicama na regionalnom i globalnom nivou, poboljšati komercijalne aktivnosti i razvijati trgovinu, promovisati trgovinu i investicije, zatim promovisati zajednička ulaganja i saradnju na proizvodnim i trgovinskim projektima.

U okviru Poslovnog foruma (IBF) planirano je da se 17. oktobra. 2019. godine održe poslovni susreti bosanskohercegovačkih kompanija i kompanija iz Turske, Evrope, Sjedinjenih Američkih Država, Kanade, Bliskog Istoka, te Sjeverne Afrike.

Programom je predviđeno održavanje panel diskusija 17.10.2019. godine s posebnim osvrtom na mogućnosti investiranja u sektorima poljoprivrede, turizma, prehrane, drvnog i metalo-prerađivačkog sektora s ciljem skretanja pažnje na trgovinski i investicioni potencijal u Bosni i Hercegovini, kao i b2b susreti kompanija kompanija.

Drugog dana foruma (18.10. 2019. godine) planirani su sektorski sastanci i posjeta bh. kompanijama.

U fokusu su sljedeći sektori privrede:

- poljoprivreda i prehrambeni sektor
- stočarstvo,
- sektor turizma
- građevinski sektor
- zdravstvo
- metalo- prerađivački sektor
- drveni sektor
- sektor proizvodnje jagodičastog voća

Učešće za bh. kompanije na poslovnom forumu i susretima je besplatno.

Ukoliko ste zainteresovani za navedeni događaj, molimo vas da se direktno registrujete putem zvanične web platforme događaja:

<https://companymatcher.com/Event/23rd-international-business-forum>

Nakon registracije dobićete potvrdu o verifikaciji, te ćete moći ispuniti detaljan profil vaše kompanije i zakazati sastanke sa potencijalnim partnerima.

U okviru IBF foruma postoji mogućnost da bh. kompanije imaju male info-štanove gdje mogu predstaviti svoje proizvode i usluge. Dimenzije izložbenog štanda su 2m x 2m. Cijena štanda iznosi: 400 KM plus PDV.

Ukoliko ste zainteresirani da zakupite štand, molimo Vas da direktno kontaktirate logističku agenciju BalkanTours, kontakt osoba je gospođa Mirsada Hadžimusić, e-mail: mirsada@balkantours.com; broj telefona: 061 382 509. U prilogu se nalazi prijedlog štanda sa slikom i dimenzijama štanda.

Za eventualna pitanja i informacije vezano za IBF forum i poslovne susrete, kontakt osoba u Vanjskotrgovinskoj/Spoljnotrgovinskoj komori BiH je Mersiha Selmanović (e-mail: mersiha.selmanovic@komorabih.ba; tel: 033 566 242).

Ovom prilikom Vas pozivamo da uzmete učešće na 23. Međunarodnom poslovnem forumu i da uputite poziv kompanijama koje su zainteresovane za ovaj događaj.

U nadi da ćete se odazvati ovom pozivu, srdačno Vas pozdravljamo.

S poštovanjem,



PREDSJEDNIK
Nemanja Vasić

